

खाटू आले श्याम की महिमा | By Mandeep Jangra

खाटू वाले श्याम की महिमा सै भारी,
भरता झोली सबकी चाहे नर हो या नारी
बाँझनिया की गोदी भर दी, आँध्यां नै आँख्यां,
कोढ़ी ठीक होता हमनै इस दर पै देख्या,
अज़ब निराला देव सै यो मोरछड़ी धारी
भरता झोली सबकी चाहे नर हो या नारी।

दीना का यो साथ निभाकै बण गया दीनानाथ
दर पै जो भी माथा टेकै रहवै नहीं अनाथ
बाबा तेरी तीन लोक मै चालै नम्बरदारी
भरता झोली सबकी चाहे नर हो या नारी

श्याम कृपा मनदीप पै होज्या बण ज्या बड़भागी
कहवै गोपाल दर्शन करके किस्मत सै जागी
झूठा रिश्ता दुनिया का साँची तेरी यारी
भरता झोली सबकी चाहे नर हो या नारी

<https://bhaktivandana.com/lyrics/%e0%a4%96%e0%a4%be%e0%a4%9f%e0%a5%82-%e0%a4%86%e0%a4%b2%e0%a5%87-%e0%a4%b6%e0%a5%8d%e0%a4%af%e0%a4%be%e0%a4%ae-%e0%a4%95%e0%a5%80-%e0%a4%ae%e0%a4%b9%e0%a4%bf%e0%a4%ae%e0%a4%be-by-mandeep-jangra/>